



11. juni 2018

**SIUMUT
INATSISARTUT**

UKA2018/113

Inatsisartut suleriaasianni § 33 naapertorlugu Naalakkersuisut peqquneqarnissaannik Inatsisartut aalajangiiffigisassaattut siunnersuut matumuuna imattoq saqqummiupparat:

Avammut tunioraaneq pillugu Naalakkersuisunut susasaqartunullu sumulluunniit attuumas-suteqanngitsumik nalilersueqqissaarluni inassuteqaasiortartussamik, Avammut Tunioraaneq pillugu Siunnersuisooqatigiinnik kingusinnerpaamik UKA19-imi pilersitseqqullugit Naalakker-suisut peqquneqarnissaannik siunnersuut. Ilanngullugu siunnersuutigineqarpoq, avammut tunioraarnerup siuarsarneqarneranut suliniutit ingerlaavartumik nalilorseqartarnissaat siunnersuisooqatigiit suliassaannut ilaatinneqassasoq.

(Inatsisartuni ilaasortaq, Karl-Kristian Kruse)

Tunngavilersuineq:

Nunarput ukiorpaalunngortuni avammut tunisinermini annertunerusumik aalisakkanik tunisisar-poq, tamannalumi inuiaqatigiinnut assut iluaqutaasimavoq.

Tamannalu ilutigalugu maanna ukiorpaalunngulersuni kissaataalersimavoq Nunatta inuussutissarsiornikkut sukai annertusarneqassasut, aalisarneq kisiat isumalluutigiunnaarlugu. Sukat sisamaasut tassaapput aalisarneq, takornariartitsineq, aatsitassarsiorneq kiisalu inuussutissarsiutit allat nunami ingerlanneqartut.

Nunarput ukiuni makkunani aaqqissugaanikkut nunap ataqatigiinnermut inerisaaleruttorpoq, tamannami aqqutigerpiarlugu takorniaqarneq inerisarneqassamat. Nunarput aamma akuttungitsumik avammut ussassaarilluni suliniuteqartarpoq, annerusumik Kina-mi. Inuussutissarsiutitigut inerisaaneq aalisarnertaqanngitsumik allisassallugu qanoq unamminarluinnartigisoq paasi-narsiartorpoq. Avammut annertuumik nioqquqteqarnikkut nunatta iluani tunissisornermik siursaanissamik aammalu atugarissaarnikkut pisuunerulernissamik aqqutissiuinissaq ingerlavissatta pingaamerit ilagilluinnarpaat. Nunarput aningaasaqarnikkut nalilerlugu nunannguuvoq, isumalluutaalu anniktsuinnaapput, taamaammat sorsuttoqassatillugu eqqarsarluuaqqaarnissaq pisariaqarfianeeruttorpoq, sunami tamaat akissaqartinnagu nalunatigu aamma suna tamaat saassutiinnarsinnaanngilarput.

Qanormi iliorsinnaagatta? Immitsinnut aperisinnaavugut, suliffissanik nutaanik pilersitsiniarnermi kikkut innuttarivagut, inuussutissarsiutini suut neriuunaaqeqluarsinnaappat avammut tunisinisamik iluatsitsilluassagutta? Tassunga tunngatillugu pingaaruteqarpoq, nutaamik iliuuseqar-

nissamik ammanerulertariaqaratta, avammut tunisinermi inuussutissarsiutitigut iliuusissatut qanorpiaq aaqqissuutissallugit. Tamannarpiarmi siunnersuuteqarninni tunngavippiaraara. Nunarput nunani allani sinniisoqarfii sumi inissisimassappat annertunerpaamik siunnersuinikkut avammullu tunisaqarnikkut iluanaarnarnerpaamik periarfissiissagutta?

Tamatta nalugunangnilarput inuussutissarsiutitigut siuarsaanermi aningaasarpaalunnik tapiissuterpaalunnillu atuisoqareersoq, tamanna ajunngilluinnarpooq, taamaallaat iliuusissanik nutaanik suliaqalerpallaartinnata misissueqqaarneq aaqtigeqqaartariaqarparput takuniarlugu aningaasaliissutivut ilumut iluaqutaalluarnersut, aammalu ataqtigissakkamik ataatsimoortumik iliuuseqarnissaq suliaareersunut sanilliunneqartariaqarmata. Tamatumani isumaqarpunga siunner-suisooqatigiit siunertarivillugu avammut tunioraarnermik suliakkerneqarsimasut ikiortaalluarumaartut.

Neriuitigaara Siunnersuisooqatigiit piffissami aggersumi namminersorlutik suliffiutilinnut avammut tunisinermi inerisarniarnerini kivitseqataasinnaajumaartoq, nunarsuarmi internationalimik naleqqussaanermi aningaasaliinissamillu siuarsaanermi suli kivitsinerunissaq siunertaralugu.

Nunattalu namminerisamik atugassarititai naapertorlugit aaqqissuisinnaasut.

Assersuutigiinnarlugu ukiuni makkunani kalaallit suliffinnik nutaanik aallarnisaasut nioqququtissanik suliffeqarfinnillu nutaanik pilersitsiortoqattaarput, tamatumanilu atisat aalajangersimasut ilua-titsilluarlutik tusaamasanngulereerput Nunattalu pisisartuini piumaneqarlualeerlutik, immorfiiut nutaat takkusimapput immiaaqqallu avammut nioqquqineqarsinnaalluartut periarfissatsialassuupput.

Najukkami immorfiiut ilaat avammut tunisaqalereersimavoq, tamannalu eqqarsaatigilluarlugu torrattumik siunnersuisoqarneratigut, ussassaarilluarnikkut tunitsivinnillu eqquilluaraanni immaqa iluatitserujussuartoqarsinnaaruttortoq?

Takorniartitsineq aamma inuussutissarsiutini periarfissaalluarpoq, Nunarpummi ukiorpanni takor-narianik soqutiginnilersitsiniarluni suliaqarsimaqaq aningaasaliisarsimallunilu. Periarfissatsialas-suovoq allaallumi takorloorneqarpiarsinnaanngitsumik periarfissaalluni tamatumanilu Avammut Tunisinissamut Siunnersuisooqatigiit peqataasinnaappat pisisartut aalajangersimasut nunani allanni ussassaariffiginissaat aaqtissiorlugit iliuusissallu aaqqissukkamik eqqortumillu ingerlanne-qarnissaannut siunnersuisinnaallutik? Nunat sorliit avammut tunisaqarniarluni ussassaariffigis-savagut? Avammut Tunisinissamut Siunnersuisooqatigiit Nunatta avammut tunisaqarnerunissamik iliuusissanik pilersaarusiorsinnaava? Avammut tunisinermi iliuusissanik siuarsaanermi aammalu aningaasaqarnikkut nunanut allanut attaveqarneq aamma suliaqarfissatut eqqarsaataasinnaapput.

Periarfissat imaaginnavippus pingaarlutillu. Avammut tunisinerunikkut avataanait aningaasaler-sorneqarsinnaanngussaagut, aningaasat nutaat avataaneersut, tassanilu suliffissanik nutaanik aallartitsiniaasut pisisartunut sukkanerusumik anngussinnaanngussapput, suliffeqarfiit avammut

tuniserusuttut sukkanerusumik akuersissutinik piniarsinnaanngussapput, minnerunngitsumik nerisassanik tunisassiornerup iluani, tamannami Kalaallit Nunatta avammut tunisisarnerminni aningaasarsissutiginerpaasaa. Inuaqatigiit soqutigisaaniilluinarpooq avammut tunisinerup annertusarnissaa, minnerunngitsumik suliffinnik nutaanik aallartitsiniaasut atisanik immiorfinnillu suliaqartut eqqarsaatigalugit. Takonariaqarneq aamma annertuumik iluaqtissarsiorsinnaanngussaaq avammut tunisisarnermut siunnersuisooqatigiit pilersinneqarpata, tassami avammut tunisinissamik pisisartunik nutaanik pissarsiniarnermi qulakkeerinnissinnaalluarmata.

Siunnersuutip pivisunngortinnissaq sulisoqarnermi inissismareersunik suleqateqarnikkut inerisaneqassaaq, tamatumani aamma Visit Greenland aamma GE suleqatigineqassapput, kisianni aamma departementit akimorlugin suleqagiittooqarsinnaasoq takorlooruminarpooq.

Siunnersuutip pisortanut aningaasaqarnikkut allaffissornikkullu kingunerisassai:

Siunnersuutip akuerineqarneratigut avammut tunisinermut aqqutissiueqataassaaq, taamaalillunilu inuaqatigiit aningaasaqarniarneranut ajunngitsumik tapertaasinnaalluni. Siunnersuut piviusunngortinneqassappat ilimanareersinnaavoq Kalaallit Siniisoqarfiini sulisooreersut nutaanik suliassinneqartalerumaartut kiisalu departementit attumasunik suliassartallit aamma suliassaa-niikkumaarmata nutaanik aamma imaluunniit suliassanik allangortiterisariaqassallutik. Siunner-suisooqatigiit pilersinneqarneratigut allaffissornikkut sunniuteqassaaq. Namminersornerusunut aningaasartuutaanissaq ilimanareerpoq Siunnersuisooqatigiit pilersinneratigut suliassaasut naam-massiniartariaqarmata.

Siunnersuisooqatigiit pilersinniarneqarnerani allaffissornikkut aningaasartuutit 125.000 kr.-iunissaat naatsorsuutigineqarpoq AC-eq ¼ atorneqartariaqassammat. Aningaasatigut sunniutissaq ilimagineqareerpoq aningaasartuutaareersuniit tiguneqarumaartut taamaalilluni allatigut sipaarni-artoqartariaqassalluni.

Aningaasartuutit ingerlatsinermut tungassuteqartut missingorsorneqarput ukiumut 1 mio kr. missaannissasut. Aningaasaqarnikut Siunnersuisooqatigiit tamatumap missaanni atuereermat. Aningaasatigut missingersuut matumani naapertussagutsigu soorunami ilimagineqareersinnaammat Aningaasaqarnermut Siunnersuisooqatigiit ingerlaasaat maliinnartussaammatigik.

Siunnersuutip privatimik nioqutissortunut aningaasaqarnikkut allaffissornikkullu sunniutissai:
Sulifeqarnikkut toqqaannartumik ungasinnerusumullu isigalugu sunniutissai eqqarsaatigalugit, taava avammut tunisinerup annertusaavigineqarneratigut toqqaannanngikkaluartumik sulisoqar-nikkut iluaqutaassaaq, s.a. nioqutissanik pajuttuinermi aammalu allatigut sulisoqarneruler-tiaqarluni inuaqatigiinni piumalluarneqarnissaq naatsorsuutigalugu.

Siunnersuutip innuttaasunut aningaasaqarnikkut allaffissornikkullu kingunerisassai:

Sinnersuut innuttaasunut kingunerlutsitsinaviangilaq.